

يالتزور اذكرني من توصل للطفوف
زور ابو فاضل عفير الرايه و الراس
للصلاة اتغسل اجفوك بلفرات
ومن تغسل وجهك ابمايه تذكر
وتمسح بإيدك على راسك يزاير
ولمه تنزل للسجود ابضرته هناك
إذا تحضر أبو اليمه
يعوف الماي في عاشر

من تزور احسين واعلى المشهد اتطوف
مشهده الزاكي ابطرف لفرات معروف
إذكر اللي اتقطعت يم شطه لجفوف
عين ابو فاضل سهم بيها ولا ايجوف
إذكر الراس العفير ابعمد لحتوف
إذكر الساجد قمر بدمومه مخسوف
تذكر بو الفضل يمه
وسقاه السهم من دمه

تذكر هذا عباس	شديد القوه والباس	وقمر هذي العشيره
عفير الراس و العين	يسجل إسمك احسين	إذا جيته وتزوره

أو تدري احسين روحه روح عباس	شجاعه ومرجله وإيثار واحساس
فدى ابعاشر حياته لأقدس الناس	يساره ويمنته والعين والراس

بالله يا حادي الضعن عرج على حسين
ودي احضن تربته واصفج بليدين
واتجه للمشرعه للغالي عباس
وينه شيال العلم دلوني يا ناس
يا كفيل العايله جينه او وصلنه
ولا تظن خويه انتكس بعدك علمنه

ودي اوصل مصرعه واهمل له العين
وارسم ابدمعي على گبره الرزيه
واصرخ ابحسره وألم والطم على الراس
ودي أشكي له فعايل آل اميه
نحمل آلام السفر ونحمل ألمنه
اختك الحوره تشيله اكل قضيه

أنادي خويه يالغالي
عزيزه وما إلي والي
أريد أشكي ببوفاضل
ودمع عيني يظل هامل

اجيت وراسك اگبالي
يخويه عاين أحوالي
وعليه هالألم نازل
بعدكم ما إلي كافل

يخويه هود الليل
عليه التمت ارجاس
بلا والي مشينه
مشينه يا عمادي

وعليه هجمت الخيل
وبعد عينك يعباس
وشمر يحدي الضعينه
ويسموني الأعادي

براضي الغاضريه
يمشوني سبيه
واني بنت الزجيه
بعدكم خارجيه

يخويه نحلتنى سفرة الشام
أنى زينب ببوفاضل بالايتم
اجيت الكريله أسعى ابمصابي
وانادي يا عزيزي باغترابي

اجيتك صابره وابگلبى آلام
اجيت احمل مصابي والرزيه
او من گبرك إلى حسين انتحابي
رجعنه يا غريب الغاضريه

يا صلاة الله على حسين او سماته
يقرا آيات الكتاب ابرمحه مذبوح
يا صلاة الله على الراس اللي مرفوع
ينظر ابعينه السمه وينادي (لبيك
شمر فوق الرمح شاله
قمر فوق الرمح عالي
بالرمح دامي وعليك الباري سلم
راسك اللي في الرمح نوره يلالي
من يهز الظالم الرمح بيمينه
وينزف الجرح اللي في غرة جبينه
أو دمه بالرمح سايل
يشاهد حسرة اطفاله

جنه من فوق الرمح تمم صلاته
وجمرة اغبار الفله تلفح شفاته
ومن جبينه جرحه خضب وجناته
يا إلهي) ودمه ردد تلبياته
أو عينه تحرس اطفاله
دماه ابنحره سياله
تدري يحسين العمر كله محرم
لله بالقرآن والآيات متم
نسمع الرأس ابجرح نحره تألم
ومن جروحه للترب يتقطر الدم
أو عينه بعين ابو فاضل
وسبايه تنذب الكافل

أو رمح الراس من مال	تميل اقلوب لطفال	أو لجله تدمع العين
أو يرعانه إلى الشام	حرم واعليل وايتام	بقت تبجي على حسين
أو راس اللي حوى الآيات قرآن	تعلى امن النحر من فوق لسان	
يريت العاشر ابكرله ما كان	أو زينب ترتحل من دون إخوان	
نزف واتخضب الكون	دمه تجري بلعيون	حزينه تلهب الروح
أو تتحب مهجة الدين	على الآل الميامين	وعلى العطشان مذبوح
يراحل بالرمح ترعاك زينب	أو كل فاقد على ذبحك تعذب	
دمع عين العرش للفعجه ينصب	يمن قدم دمه قربان إلى الرب	

بالله يا زينب على منهو تنوحين
شلون يا زينب وحيدة ابلية إخوان
آني أمج فاطمه و كلما أشاهد
أرد اواسيج ابحزن قلبج يزينب

ذكرتي ضلعي لمكسر ؟
أو لكن من دمع عينج

ذابله او دمع الحزن في محجر العين
وينه عنج بوالفضل جا وينه لحسين
حالج ايزيد ألم كسرة الضلعين
يمكن ايخف الالم لو شاله قلبين

تذكرتي فقد حيدر ؟
أحس عندج جرح أكبر

واني جنب الما تشاهد ظلي الناس
من هوت فوق الترب جفين عباس
شفته والقلب انجرح من منظر الراس
يمه رد راس الأخو من دون أضراس

شمس لعيونه حرّاقه
يزهره يصعب افراقه

آني أبجي وبالفكد مجروح لحساس
صرت استرّ وجهي يازهره بلجفوف
وراس اخويه حسين في طشت الأعادي
وراجعه للطف حزينه .. سامحيني

نظرته من على الناقة
ورجعت لقبره مشتاقه

أو خر اعلى الثرى حسين يزهره و ألجي لاوين أو كل اخيامي تلهب
أو فرّت منها لطفال فزعها سيف خيال أو تصرخ آ يزينب

ودخلت الشام حسره بين ظلام
فرت مهجتي و الله سفرة الشام
أو بين امعيد او شامت أو شتّام
مظن مثلي أحد في الدنيا ينضام

يزينب جددي النوح فجعتي قلبي و الروح واني بحزني شجيه
تعالى نبجي بونين أو نندب بالثرى حسين ذبيح الغاضريه

تعالى نندبه ولقبره انزور
أو نبجي اعلى النحر بالسيف منحور
يمذبوح ابظماه ابيوم عاشور
أو صدره اللي تحت لسيوف مكسور